



ル 5
3163
7



凡 5
3163
卷 7

卷十七
落丁
甲三
甲四
甲五

上
秋

東湖縣志卷十七

人物志

梗楠杞梓良材皆產於楚荊州名士如鯽而東湖
為其舊屬山川間氣代有所鍾顧自宋以前傳聞
者少至有明始盛今各為立傳不存一操要皆徵
諸輿論存三代直道之公閨門持節者附載焉生
存則僅書其姓氏以俟論定亦足見
國家風化遠蒸實於今為烈云志人物

宋

何參居篤學坊博學好義不求聞達人稱曰處士歐

東湖縣志卷十七人物

昭和十四年
六月十七日
購求

陽修令夔陵稱其熟知荆楚故事常樂與之遊
元

陳伯通少有籌幹為中大夫隱答忽所器重勉之仕
遁深山中至正間盡以家世所餘給族黨之貧者
隱居教授以終其身

張之才舉明經生平學宗關洛不屑屑事章句辨朱
陸異同甚悉屢與州郡有聲

明

郭思溫金吾將軍寶之孫夙有文名洪武中命
等十人分道訪求賢哲思溫應薦

林學士居禁近所作詰刺皆坦易練達上海
袁泰其初夔陵人徙山西蒲州之萬全登洪武四年
開科進士初授櫛縣縣丞泰自呈祖資改羅山縣
歷官至右都御史有才辨明於法律嘗因奏事忤
旨上命劉璟繫其頸益侃論不屈一時權貴多憚
其嚴直

按舊志及邑人甘如梅郡志草本皆云泰舉賢
良明史七卿表僅載其名姓惟廖道南楚紀載
其貫址履歷尤詳疑必確有所據今從之

趙勉登洪武十八年進士歷官至戶部尚書以才能

著稱每被擢進秩太祖必以聖書褒之後漸失上
意坐贓伏法今祀鄉賢

易思字景善洪武中以經明行修舉官本州學正尋
陞懷柔縣丞以捕賊活饑民功陞知縣崇祀鄉賢
冉甯字士安洪武丙子舉人初授大竹教諭訓士有
成永樂中擢刑科給事中考績轉中城兵馬司遷
營繕司主事陞至兵部郎中中允王愷爲撰文
稱其勤以律已惠以臨下百工效能罔有廢事云
唐貞洪武丙子舉人歷官兵科給事申抗直敢言在
永樂朝益厲風節以清儉聞卒於官家惟土屋一

壽者無遺古所神重故有書絳縣之年編者舊
之傳者矣至如歷代義門屢見史策雍睦家風
可啟末俗與夫一室之中堂同五代事聞於

朝咸邀

獎異此皆

國家休風協氣暢垓垓誕昭融溥洽故蒸爲人瑞著
爲美談播爲家慶適與太和相應而前志闕焉
未有登錄今就所博訪者增采之曰高年曰義
門曰五世同堂類附諸人物之末

高年

周文瑾年九十七歲庠生周天培之父

黃自孝年九十七歲軍功議叙八品黃世哲之祖父

趙邦彥壽九十六生平未遭疾終身不近藥子開瑞

年八十二開榮八十三開華七十五事邦彥皆極

孝入奉甘旨出事耕芸百口同居里黨推其雍睦

胡凌雲邑庠生里黨推爲端士年九十有三

熊文錦字泰章原籍枝江隨父映秀業醫其精其術

文錦遊河西偏巖家焉生平不苟言笑夫婦敬如

賓居無惰容出無褻服雖大暑雨張蓋不傾倚見

者不問而知爲熊君也卒年九十有四

趙時才年九十一始終太學生鳳清之父

黃之秀年九十一歲庠生上恬之祖父

田正國年九十一歲例贈文林郎妻邵氏年九十二

歲例贈孺人夫婦齊眉庠生兆棠之父母

王李氏鄉飲賓世則之妻貢生廉之祖母年九十有

七乃卒

黃曾氏承榜之妻九秩生辰親黨以五代承歡額其

堂今九十有三矣而康勝有加焉

陳言字綸音邑庠生高年九十有六歲

閻習淵西鄉紫陽儒家子年今九十有四精力尙健

且目見四代云

王德浩孝子王良桂之父年九十歲卒浩家貧未嘗讀書父子小質爲生其爲人愿謹樸直鄉黨咸稱之良桂長而能孝嘗割股以救親疾親生則致養親死則廬墓邑紳等公舉孝子 恩予旌獎

黎大鑑妻陳氏青年矢節孝翁姑和娣姒愛叔妹若同胞撫諸姪如已出閭範著聞高壽九十歲

王廉貢生學行修潔事有裨於地方者必言諸有司請而行之子春元歲貢生孫三皆弟子員食餼咸以儒世其家廉年九十乃終

段何氏年九十七歲庠生以文之祖母

譚胡氏年九十四歲庠生大章之母

宋向氏高壽九十三歲宋萬三之母

袁孫氏年九十二歲六品軍功德祥之母

楊正宏母陽氏高壽九十二歲

易王氏九十一歲庠生發釗之祖母

王李氏太學生發沐之妻年九十而終

劉世坤曾祖母陳氏及祖父國璽祖母秦氏俱高壽

九十歲母楊氏亦現壽九十歲

宋袁氏高壽九十歲貢生萬里之母

王波之妻程氏年今九十四矣視聽不衰見者謂可坐致期頤也其孫正榮以從九品遇缺前候選
余周氏年九十八歲千總文富之祖母

義門

范純全赤貧以負販與兄純一共養父母母沒兄弟捧土成墳兄又死乞樁乃得葬其父學和哀之得疾純全開慰百端竭力奉甘脆雖珍藥亦營致之夜侍寢廁禴中裙親爲浣濯父終營窆極劬弟妹三人婚嫁皆純全獨力任之身未娶卒以姪懋昭爲後咸豐十年請旌

楊思祥居鄉勇於爲善家故中貲然獨出已財造石橋邑北文壇塲之河濱名之曰福壽民不病涉則其力也

五代同堂

童登元武生嘉慶初白蓮教之亂防禦有勞大帥給六品軍功獎之爲人鞠鞠謙謹年九秩時前邑令雙穗自書熙朝人瑞額鼓吹送其家身歷五朝日見七代年九十八乃卒

王覃氏能識大義嘉慶初白蓮教起人皆驚擾氏呼其子附貢生堯璋優廩生佩琳語之曰讀書先忠

孝今亂且熾汝曹盍起任扞衛乎子遵其言散財募勇率詣行營請自效奉檄往來屯守要隘威望屹然事平叙功均得七品皆母教也其後世列膠庠曾孫大鑑中道光辛亥經魁氏及見五世同堂年九十七乃終

劉吳氏太學生之鉉之繼室年九十有五及見五世同堂其子文炳庠生孫必懋廩生必杰增生曾孫大烈優貢生教習知縣元孫以培以均以墉前方緇莊公受祺題額曰五葉臚歡前督學使者贈以五葉循陔護堂老福一經傳世藜閣家聲之聯里

黨誦述以爲瑞慶

羅范氏現年九十四歲候選從九品羅大任之妻親

見五代同堂

王謝氏庠生永智之妻子德興增生孫基鈺太學生曾孫宏細等五人皆太學生元孫有格等五人皆習士業氏及見五世聚於一堂中丞嚴公前宰茲邑給額曰慶延五葉邑人顧太史嘉衡撰聯語美之氏年九十一精強猶不減少年云

施紀氏太學生恒之妻性仁惠好施子三人光璧光瀛光佑皆太學生光瀛尤善體親志振貧乏解爭

訟以俠聲聞鄉里孫七長以仁庠生議叙州同曾孫九元孫三氏年九十有五及見五世同堂人詒爲盛事且謂天道輔仁之驗也

李譚氏職員作相之妻年八十四及見五代同堂子煥煥俱列國學煥優庠生輝年今八十有一猶課讀不倦孫十五曾孫二十餘人元孫二孟斯衍慶人以爲母德餘蔭

王張氏太學生王永洪之妻子德純庠生孫基高大學生基發庠生曾孫宏瑛宏璉宏照皆庠生元孫有連等七人皆業儒氏見五代同堂高年九十七

擢明州牧能以藝劇見其才嘗判鳳陽蘇州蘇州府篆益有能名子長祚隆祚大祚俱籍大祚光祿寺丞孫翼明獻明振明輔明際明皆以文名顯翼明自有傳獻明孫勅尤篤學力行事繼母以孝聞

易文簡與弟文溥少並有文名兄弟自相師友聲振庠序文簡動必以禮子弟非衣冠肅穆不敢褻見文溥終日侍側常如執經問難時雖沍寒溥暑不命之退不敢退後並與州人陳禹謨張希載同舉人稱爲鳴時四雋文簡官大理評事

陳禹謨字嘉猷號九山隆慶庚午舉人奉繼母以孝聞兄弟無間言行誼素著復以經學顯歷知鄭忠涿三州治河賑荒屢著循蹟晚歸以詩酒自娛有蔣詡陶潛風致八與賓筵享年九十歿祀鄉賢陳邦靖邦直昆弟五人皆以明經顯邦靖號兩峰初任閩縣以定州同知致仕歸其在南司城天子有不愧金吾之褒居官勤慎所至有水槩聲邦直號兩臺長眉廣顙望之儼然素以理學自任且樂肯後進一時名流多經其指授

王橋字榮余萬歷壬子舉人初任縣令晉農部郎復

擢守蜀郡遷貴州按察司副使所在治行每爲廉路稱服年七十召若孺子懸車謝客屏跡不入公庭歿祀鄉賢

郭宗儀字嗣陽萬歷戊子舉人翰林學士思溫之裔初任蜀中別駕擢南昌司馬戊午分校卒闈中生平正誼樂道爲里黨所推歿祀江西名宦子維藩自有傳

陶若曾字孝若萬歷戊子舉人幼穎悟長益博通經史秉鐸祁門著有四部醜醜及外史七傳一時名士交推重之

雷思濡字何思博極羣書爲文不涉草纏纏數千言
操紙筆立就萬歷丁酉舉於鄉辛丑成進士官翰
林檢討文行度越一時崇祀鄉賢行草書亦入神
品人爭寶愛之數分校得佳士時皆帖服城東隅
鬯閣其著述處也時嘯咏其中或博訪名勝所著
甚富有百衲閣文集行世嘗應聘修通志撰荊州
施州方輿二書參考折衷尤爲明核

吳伯琦字調陽萬歷丁酉舉人初知雅州吏治勤敏
風紀凜然擢守石阡府誠惠孚民旣去民思之退
居於家一介必嚴取與時一二士大夫崇尚二氏

學習俗靡然琦獨以理自勝不爲所惑論服其
嚴正

郭維藩字价卿號寓菴宗儀子也年十七舉萬曆
午鄉試生下修內行篤宗誼力所能爲樂行不倦
初任古田縣捕盜折獄嚴藉命居奇之罪舊俗頓
革遷江甯令值歲歉所賑活無算入主戶曹值邊
事日急部署芻糧咸有法度司農倪元璐奇其才
薦司九江權務時寇氛充斥藩極意招徠屢以減
額停關請及國變福王自立於南都制府袁繼咸
奏署兵備道命甫下左良玉兵變乃退居廬山中

屢辟不起流離轉徙以卒子六健銓銛鏞鏞俱

王維章字于天萬歷癸丑進士官至四川巡撫仁厚

清廉所在咏思之時執政亟薦其才後以章不附

已遂以川東失守羅織成獄論者有成敗蕭何之

誚及章卒於獄天下寃之

陳珽陳琨兄弟並舉明經珽秉鐸黃梅西平致仕早

居修譜睦族復斟酌古禮之合於時宜者率鄉里

並行之琨號荆璧生有異稟稍長益有文名追古

學而敦行誼親喪廬墓三年不覓齒州牧吳從哲

稱其五世宦遊一經庭訓以為不愧大儒曰珽

以上四世皆以明經仕琨子爾鼎字公調號台山

以太學生官鴻臚序班事母劬氏至孝常刲股以

愈其病平生利濟為懷不事封殖每舉勿自欺三

字為子孫最著有聚星閣等集按爾鼎舊志重列

邵廷樞字彞山官廣安州州同按爾鼎舊志重列利佐治有聲

常物色王德完兄弟於諸生中論者服其知人

李雲號衡岳萬歷壬子舉人由武功令擢潁州刺史

既去縣人廟祀之居恆秉禮自持言笑不苟晚知

明祚將終大書名義至重鬼神難欺及字揭之牖

上日夕著述其中左琴右書穆如也癸未之變賊馬守印執之不屈逼至荊州石套子不食旬日瞑目端坐而逝羣賊異而羅拜之載明史

唐棻字稱西萬歷間貢仕終司訓居鄉正直在官益能以身教人謂不愧師儒云

楊文燃字且公宋制置使澄人大異之裔其遠祖宦於荆遂遷夔陵少為諸生有聲尤樂襄義舉建石橋置義塚里人稱便州牧辟應賓筵品望益著所著有晴雲齋詩略性命道藏諸書經亂散失

鄒鵬萬歷間人奉寡母維謹家雖貧凡母所嗜必

力致之母病劇鵬天請代且割股調藥以進沉痾頓起更享大年州牧表上其事廣文王其為立傳

勅石姜孝祠

劉戡之字元定號石華尚書一儒長子相國居正女夫也少敏達刻意制舉業居正當國不與試以蔭補後府叅軍歷陞戶部郎中夫中修華山志出知德州建游龍館以課多士一時名流多其所造就抽分澣墅立便民橋省往來商稅既解組歸田營室父墓側與道內名士倡酬無虛日公安袁宏道為序其詩集子昇字彥升號懶雲由

選貢判蘇州為其父舊治恪守遺訓以清節繼美
歸放浪於青山白嶽間吟咏日富人以陶潛王勣
目之

劉襄之字真若戡之同懷翁九歲能文以蔭考授翰
林院侍書科臣趙邦清疑其有關節疏論之襄之
請回試上即命與邦清同應試作瑞雪詩襄之詩
先成稱旨乃黜邦清後賜正四品服俸

女安之字汝止號鐵菴天啟辛酉壬戌聯舉鄉會試
第二改庶吉士進檢討器質宏遠館閣中咸以公
輔期之崇禎末進南大司城為薛國觀所請

福王立召拜詹事唐王授禮部尚書博不越永明
王以瞿式耜薦虛相位以待安之知事不可為見
國危地處乃強起為首輔日以忠義激勵諸鎮銳
意興復間關戎馬間不失臣節及諱宏降於我
朝王遁入緬遂資志以卒明史有傳載藝文

于時雍字堯夫天啟甲子舉人仕為星子令民戴之
如慈母癸未聞荆州之變輒悲憤不食卒於官士
民葬之廬山下

馮三溪績學工文士林宗之晚以明經授司訓有三
煥子集行於世

羅文彩字子華號近峰生而穎異日記數千言爲偶
聲輒口應生平樂善好施詳載袁宏道所爲墓銘
再飲於鄉後輒辭伯兄文錦早世擇師爲庭課撫
其從子化允率以明經舉化字雲連柳州通判允
字成吾滑縣主簿文彩亦三舉子冠冕旒皆有聲
諸生間並極友愛冠字正吾由文學入成均官泗
水簿冕字服卿餽於庠有詩名與公安袁宏道兄
弟友善常限韻作鴈字詩一夕成七律二十首工
力悉敵袁僅半之曰吾當避君三舍又與里中雷
思霈爲莫逆交傾動一時旒字季玉晚應歲試

出著有綠雪堂詩相國文安之爲之序化子思古
字君常以明經任襄陽教授允孫宏道柳州訓導
旒子法古字叔度舉崇禎庚午鄉試後爲我

大清池州司理孫宏允字士可宏備自有傳俱拔貢生
一門多才世其家學云

黃燦字中含生而穎異博通經史崇禎末與其弟炳
先後舉於鄉燦旒成癸未進士入翰林兄弟並顯
聲動一時明命旒革遁跡山中炳亦退居於蜀有
用事者招之出終不往

陳琉字君獻崇禎朝貢廷對後卽絕意進取樂意林

泉惟以課子爲務鄉黨共推重之

陶祥鳳由明經任南甯司李端方有守人不敢干以私常平反冤獄十八人民尤德之

陳萬言字心一號虛舟禹謨子以太學生選授固原州同駐惠安堡專司鹺務以廉幹稱請急歸養遂不復出睦隣收族尤多懿行同懷弟善言正言皆太學生善言字楚畹官鴻臚寺序班以任俠使氣忤當事左遷雲南檢校復擢廣安州佐尋卒正言字鹿野官至川東副使殲巨寇決疑獄撫流移減商稅蜀人賴焉及里居屢辟賓筵不就劇賊過其里相戒勿犯年七十四卒無遠近皆會弔葬

張景良張銳子也字赤松太學生官鹽運通判性剛直敢言遇事不避艱險雖退居於家凡事關一時利弊必力陳之當事得請乃已鄉人賴之

張星煥字仲光冠楚子以恩蔭入太學授順天府檢校致仕歸惟戒子弟以端品力學無墜先人之緒云

董邦禮博學有重望州人士多遊其門

龍萬化字德溥號龍城夔陵守禦所千戶龍勝四世孫也歷任至黎靖衛總鎮生而岸偉美髭鬚兼工

詩文有古名將風安民下士所在謳思從征大方
討播酋守臆臘屢立奇勲子孫蕃盛年六十九卒
於家

王泰郡之三義街民業梓匠傭力以奉其母每食必
備甘旨自安粗糲撫異母弟妹推多受少猶交相
友愛云

楊宏早而失怙事母益謹性豪爽母或以事責之輒
婉顏跪受鄉里稱其順德督學使者較士至荆屢
表其行

按自陳萬言以下九人舊志皆未詳其年代故

附於崇禎朝之後

周翼明字小匡蘇州通州官之孫太學生隆祚之子
也髫齡稱神童補諸生舉天啟丁卯鄉試端方自
持言笑不苟崇禎末需次京邸闖賊薄都城以大
官啖之翼明罵賊不絕口死於難士人哀之賻葬
於彰義門外子邦新邦喜博學能文郡人士多出
其門下

郭銓字叙百維藩仲子少美風儀有文譽崇禎壬午
惠邸選充儀賓甫期年獻忠破夔陵執銓欲官之
不屈且與主約曰卿固天潢吾亦草莽世受國恩

義不辱並赴水死其兄鍵嘗夢見之有夢裏相逢亦是愁之句

按銓為鍵弟然考文安之所作郭維藩傳銓死於癸未獻賊之難尚在勝朝自應編附明末不嫌以弟先兄也

國朝

王席民字安生少為州學生遭亂棄去胡際亨保湖南辟置幕府城陷際亨以身殉席民亦慷慨就刑監者為言於主帥得免死隸趙某籍中趙與言太驚乃引為上客間為詩歌自娛能不染公安竟陵

之派富平李因篤亟稱之後隨趙某遊宦山西客死於代州秀水太史朱彝尊為誌其墓碣詳見藝

文

王永禛字山如號葛山宗廟也舉人言惠從祖入國朝授江南靖江知縣守正奉公理煩治劇時以廉能稱與漢陽熊伯龍為婣姪相得甚歡生平敏於才書十行並下著述甚富燬於兵火尤擅風雅所作詩燈一洗楚人攻訐之習學者多宗之

陳丈人逸其名居於夔陵州之沙地坡有隱德順治
初年年百有四歲矣目炯耳聰步履甚健遠安令
周會隆以安車延之問其所得對曰知事遲回頭
蚤耳予之錢弗受因其尙佃於縣界爲下令復其
家

龍爲紀字在義明總兵官萬化之裔也所著詩文以
深秀爲宗同里中與遊者如陳正言及郭鍵兄弟
並一時名雋有蝨齋懶菴古翠堂勸影亭詩稿行
世

郭鍵字孟開維藩長子高才博學爲士大夫所敬禮

所著有備字堂詩文全集陳士望序之稱其學
神蒼湘回岳立其傾倒如此

羅宏備字我生順治甲午拔貢生性孝友博學能
章及入成均縱遊燕齊吳越間吟咏日富新詩
日進考授州判以將母不就工詩有習靜堂詩
行世從弟宏顛字南宮亦存文名所著有了閒詩

集

陳士望字斗南一字友韓爾鼎子以明經歷臨
治訓導髫齡卽受知諸學使者天才超軼內
孝謹於書多所瀏覽旁及象緯墳典諸家以古

起衰爲任所著有芝雲亭詩略

黃玉策字升公明武德將軍世襲千戶所黃伍七世孫幼隨其母劉氏避獻忠之亂母旣死節轉依李氏家益力於學長乃補諸生師範端嚴行誼方正人謂節婦有後云

徐鼎號鹿溪貢生少有至性初除古田丞量移昌平州判陞桂平知縣旋擢永昌同知念其父嘗官此建望雲亭於衙齋以誌永念旣致仕歸終其父養乃卒

劉廷儔字自怡明別駕昇子也少隨宦吳門與丁澎

高世泰遊詩名滿吳越家世華顯淡泊自甘以明經司訓荆門期有秋草天放堂詩集行世

戈保泰字叔安文章博雅尤工於詩駢體亦追蹤徐庾不襲人牙後語與里人羅宏備劉廷儔陳士望爲邴管之交切磋無虛日康熙間膺歲薦未仕而卒

王克寬字敬敷之綱曾孫甲申鼎革後懼先業頽廢益發憤力學遂爲里中儒宗性嶽立不屑屑偶俗亦無他嗜好經史之外耽情邱壑每好友過從非法不道咸以端人目之

王與確字自超康熙間貢氣槩峻偉舉止端慤所爲
文必自出精意漸進於古間授生徒講習忘倦世
共推其師範

甘溥字百泉康熙間貢生平篤學不倦動無違禮有

古賢行君子風

陳嵩極字芥舟正言季子少英敏卓犖不羣世居深

山擅林壑之勝日以圖史自娛名流過訪樂與訂

僑札之交所著有栗園閒草年八十四以明經終

董士英字岳生明閩中令志舒之孫少補州學生以

經術顯所教授生徒多掇巍科常題勸儉孝友謙

和忍讓八字額以示子孫且著之家訓年八十二
卒今其子諸生秀亦八十四矣

陳鍵新字君美素有隱德爲鄉里所稱年至九十猶

好善不倦當事舉應賓筵目爲感世人瑞云

何應祖字純若少穎異不屑屑事章句邑經兵燹後

軍需浩繁慷慨急公屢代人完逋賦資鄉里之不

能婚嫁者滇逆之亂盡據河西地乃投筆從戎客

鎮平將軍幕府以功當授官卒不就小構於城西

延明師課其兩孫並以宦蹟顯暇則蒔花種竹藉

吟咏自娛言動必準諸禮義後生佻達者見之皆

化爲醅謹兩與賓筵壽九十五子清亦有父風並
以孫毓秀貴累贈明威將軍

陳三晉字羲之識量過人勇於爲善有四川拔貢羅
其參公車北上覆舟鍋籠灘下盡沒其貲三晉駕
小舟營救得免因留宿其家贈以貲斧其參後以
祁門令歸重經其地備載其事於譜且紀以詩有
相逢不識傾囊贈世上如君有幾人之句知州宗
思聖重其行凡邑有公事皆倚任之

張天然字紹仙號卓齋幼後李氏因從其姓舉康熙
壬午武鄉試雖起家韜鈴而性好吟咏其集

右古烈士風長子蠟字魯山號兩湖少饒於
經有聲爲詩文殫心孤詣時或忘餐詩尤
豪屢躋塲屋偃蹇以卒所著有兩湖詩文集其從
子繼辛以乾隆己卯舉於鄉

楊椿芳字莊齡都督僉事一奇之次子康熙間任徽
州叅將性爽直不事修飾在官亦以嚴正稱晚歸
修宗祠置義田日以敬宗睦族爲急所居數椽蔽
風雨而已

郭超會本姓黃字元公勇於爲善撫諸弟以友聞鄉
黨以義民目之

郭光禘字君先明金吾將軍寶之後明亡後隱於賈
嘗行河北有鬻妻償逋者解橐金贖之亂定歸里
事母撫兄諸子以孝義聞性喜周人急族戚待以
舉火者無虛日遇不平事輒義形於色西陽刺史
閩人李光遠爲立傳其子相業字元勳號柳谿肆
力詩古文詞常手鈔邑老宿吟卷日諷咏之且以
備一邑文獻之徵有徵人貸白緡去自徑收責憐
其困遂垂橐返所著有梅谿詩略古今合纂三唐
雅萃數種以布衣老於幕府

毛呈瑞字琮玉吳逆之亂母周氏罵賊死呈瑞少孤

自立爲諸生有聲撫異母弟友愛無間人尤稱其
篤行

雷振字春生號寄軒康熙間歲貢博學能文善吟嘯
兼工書法爲人亦謹慤老而彌篤年九十餘而終
王言惠字思贊號三臺康熙癸巳鄉會試並舉聯捷
進士留部觀政請急歸而其母適卒因終其父養
乃就選得陽穀令甫下車痛懲猾吏二人盡革諸
陋規有牝狐憑儒童爲妖旣娶牡者復憑其婦持
牒來訴言惠以朱判其牘俾持歸張壁怪遂絕邑
西湖鵝鴨陂與他邑接壤或謀復舊防紆已害以

壑隣上官入其議惠力持之得免既兼攝范縣事以陽穀盜案失出落職歸葺悠然亭課子讀書一不與外事會屯田訟起關一邑大利弊偕衆赴太府力爭之事得白生平篤孝義能文章觀政時爲大倉相王揆所器重日與同年甘汝來車敏來爲文字會所著述燬於火僅存房書諸墨載李岱雲質疑與巧集

何毓秀字鍾岳號岱樵應祖孫也未弱冠舉康熙戊子武鄉試癸巳成進士入典宿衛旋授江西瑞州營都司部署諸戎政皆有法度在任數年盜賊

安尤工詩歌嘗畫治公牘夜接詞人輕裘緩帶穆如也比以親老請急歸里邑養終其身服既闋例當赴補屢敦促不起惟以琴書自娛喜臨池學書亦出入兩文敏間尺幅斷紈珍若琪璧所著有岱樵詩集

吳泰嵩隨父豹之彝陵游擊任遂爲州人康熙四十八年赴臺灣効力以隨營勦番賊功加守備銜後守春牛浦值逆賊朱一貴圍城與總兵歐陽凱並戰歿於陣事平卽其地建廟祀凱泰嵩附焉並卹其家以柩歸

屈能超三歲失恃奉繼母如所生父歿母病篤常割股以療之

劉安世字靡爭雍正癸卯恩貢品詣端方文章爾雅與邑朋經汪維相同時並稱醇儒維相字枚臣素工吟咏旁通陰陽讖緯之學尤邃於易

毛一聰字天選號杏山博聞強識爲同輩所推服雍正乙卯拔成均制府邁柱以博學鴻詞薦中道而卒所著有晴雪堂詩集

馬一德字元襄號白崖少孤受業於里人張琦得其指授遂爲名宿性渾厚待人無疾言遽色行文平易亦如其人從弟傑一名一元字學乾

氣初應武童試得附於學旋棄去力學爲名諸生試輒冠其曹偶字亦得顏柳筆意

黃世彝字上尊號醕庵明太史燦曾孫少飢於庠長益端謹授徒里中以莊見憚有里人謀侵其隣產夜懷金懇易其約奠懇切開導之事得寢人稱古君子

龍謐性輕財重義樂施與雍正五年邑大疫買樁以斂道殣家爲中落凡隣里有爭端排難解紛不遺餘力婦鄒氏亦以賢淑聞

朱永瓊少入伍以勇聞雍正九年大兵征西調赴涼州防秋道拾劉明遠遺金還之大府廉得其實拔補外委進勦木壘以力戰得疾後運糧至南山值賊進逼力護得濟旋發舊疴嘔血數升而卒

覃宏澤字暮霖太學生一試京兆不售遂絕意進取歸杜門著述所擇交皆一時名士持身謹約旁通繪事尤工寫竹石得沈石田祝枝山風致所著有

筠圃詩略

趙運城字坤生賦性淳樸不事緣飾知州何廣廷舉為老人給冠帶榮身壽九十三卒

屈海字天池以明經為黃梅司訓師範端嚴不隨俗為俯仰尤多所建設性耿介取與必衷諸義風擅幹濟才領修邑墨池書院備著勤勞老而居里持身益恪謹子弟不帥教者絕不與通必能改乃已人益服其正

石振金字成一號畏庵少孤力學事母以孝聞初應武童試附於學復棄之折節讀書從明師受業負不能具修脯因習操舟每歲暮佐人刺船入蜀得直歸奉其師有餘則以具甘旨卒為名諸生拔成均性樸訥寡言笑執筆為文纏纏數千言無不出

暢弟子著錄者多掇科所訂有家禮譜及寶濟錄
又嘗選自宋以來制藝爲載道集其自序大指謂
經之義爲道道者倫常之理也爲文而不能發乎
經之義則不足以載道而經世故所集必以忠孝
節義實可見諸行事者爲主識者躋之其他持論
皆與前賢發明不獨以詞華顯

劉家麟字聖祥生而穎異年十四補諸生旋餼於庠
文思敏速學亦淵博著有大愚山人全集同時國
子生甘如梅字林友號雪村內行瀟篤不事干瀆
其博聞強記與家麟埒念文獻無徵常

爲郡志草本以備參考皆年未四十而卒士林惜
之

外紳士公呈舉報割股孝子陳漢倫毛羽翺饒
毓理附列於後又舊荆興府人物志載有趙恩
綱夔陵人高祖德隆自元起家五世同居至思
綱確守先訓無替宏治七年知州陳宣具奏且
贈以詩檢查夔陵州舊志人物選舉二條皆無
其人補載於此

烈女

周

沈紗女士人相傳伍員過江時女饋之壺漿因自拔
於水今即其地立廟春秋祀之

按沈紗女遇伍員處在今溧陽縣境疑不應祀
當緣溪名附會耳有辨見雜錄

漢

姜詩妻龐氏廣漢龐盛女也事姑至孝姑好飲江水
龐遠汲以供一日值風遲至姑怒詩責而遣之龐
寄止隣媪家工紡績市美饌托媪以遺其姑姑怪
問媪具以對姑感泣呼還龐奉養益謹孝大
赤眉賊至弛兵而過其閭相戒曰驚大孝必

神由是比落賴以保全

按龐氏非郡人或隨姜詩流寓於此有辨見
文茲不備錄

明

劉瑀妻陳氏年二十五瑀卒誓不再適屢遭戕歎忍
饑完操終無二志旌於朝

常傑妻宋氏年二十二傑卒撫八月孤子成立氏亦
以壽終

陳嘉言妻李氏年十九言卒之嗣氏撫姪爲子守節
四十二年家人罕見其面州牧蕭景訓爲請旌建

貞節坊

陳舊荆州志作秦景宣妻楊氏宣卒遺孤甫半歲水操凜然

終始無間州牧李一廸題旌

陳琨妻劉氏琨卒撫五歲孤教以義方四十五年如

一日州牧俞彥表其閭

羅天錦妻王氏避亂為賊所執罵賊死

楊雲龍妻石氏孀居課子以禮義自閑里中有陶母

之稱

郭銓妻朱氏惠王郡主也崇禎癸未下嫁銓甫期年

值獻賊之亂與銓並投江死之既得屍面色如生

王化育妻周氏崇禎甲申春西賊犯州氏避兵對馬

山聞賊至持利刃自衛及為賊逼大罵自刎死人

即於山下普庵寺側墓焉

生員黃樹正妻劉氏崇禎末年值獻賊犯境避兵下

坪舖之小木坪為賊所逼不屈投水死其子玉策

隨自溺得救免後補諸生自有傳

以上節婦十人已旌者四人

國朝

毛秉德妻周氏事舅姑以孝聞子呈瑞甫髫齡即教

以禮讓值滇逆之叛避兵岩寨賊肆劫掠義不受

身活與志 卷一
辱拔身千仞岩而死雍正五年知州楊國聲爲請旌

黃道隆妻趙氏九溪舖人年二十一夫故甫成服舉遺腹子撫之成立事姑亦孝謹雍正十三年旌表謝景榮妻余氏子應聯孫邦傑並以幼孤力學克秉母教爲名諸生不幸早世應聯妻余氏邦傑妻江氏三世孀居皆以節累乾隆二年知縣何廣廷爲請旌

生員曹宏鐸妻王氏年幼夫故撫二歲孤開濟守節三十二年開濟晚膺歲薦孫亦附於學乾隆二年

旌表建坊

生員羅成綉本姓陶幼爲羅氏贅婚因從其姓自成綉歿氏守節六十三年其子含卒婦陳氏年二十八亦以節顯羅氏性嚴肅陳氏曲得其懽心常語大曰使吾老而無喪子憂者賴有此婦也陳氏子慶餘妻向氏時年七十六歲守節五十二年乾隆三年請旌建一門三節坊

趙綸妻王氏縣從禮鄉人二十八歲夫故翁老子幼勤紡織爲養撫孤有成十指所餘推以周隣里而自奉甚薄以敝衣糲食終其身乾隆五年請旌坊

建北關外

王克斌妻譚氏年二十八孀居值滇逆兵變繼以饑
饉氏糠覈不給勤紡織易米以奉其親守節三十
四年乾隆五年題旌

蔡洪遠妻鄧氏年二十四生子似甫三日其夫病卒
抑哀撫孤姑歿舅復娶事之益謹內外無間言乾
隆十二年旌表

劉之震妻杜氏年二十三夫故子時滄甫一歲力貧
守志撫以成立時滄未三十而歿復與孀媳王氏
共撫其遺孫國仁卒時年六十一乾隆十二年旌

表

生員夏明妻薛氏年二十九夫歿守節二十三年乾
隆十三年旌表

監生韓世琦妻覃氏年二十六夫亡子德成道成皆
幼忍死撫之守節三十餘年乾隆十七年旌表

楊國璽妻覃氏年十六適國璽乾隆十七年八月歸
甯其父擢升訓蒙近村一日母亦偶至外家氏踞
戶限緝履適同里業屠羅在成者夙善歌以索逋
過其門瞰氏獨居挑以言氏因操挺逐之戶外欲
往告其父在成因奪所持挺擊斃之瞰下而逸獨

遺其負券及笛譜於地氏父歸得之即所授小徒
李開昌代筆也踪跡得實乃鳴於官置在成於理
而請旌其女邑人快焉氏卒年二十二

趙南國妻黃氏年二十五夫卒守節四十五年乾隆
十七年旌表

李文林妻鄭氏年二十六夫卒撫子養姑以勤儉慈
孝成其節乾隆二十四年旌表

牟世節妻楊氏年二十八夫卒守節事親撫孤備歷
諸艱乾隆十二年旌表坊建南關外

以上請旌已故節婦二十七人烈婦一人外陶

慶餘妻向氏現 附伊祖姑羅氏姑陳氏傳末

王發贊妻曾氏守節五十八年 年八十五歲乾隆
七年請旌

曹光霖妻宋氏守節五十六年 年八十一歲乾隆
七年請旌

李宗濬妻朱氏守節五十三年 年七十二歲乾隆
十年請旌

生員向前妻董氏守節四十五年 年七十二歲乾
隆十七年請旌

羅鰲昌妻吳氏守節四十年 年六十二歲乾隆二

十六年請旌

譚之傑妻楊氏守節四十二年 年六十三歲乾隆

二十七年請旌

生員朱崑妻羅氏守節三十六年 年六十三歲崑

弟監生嵩妻杜氏守節三十八年 年五十七歲

弟嶽妻毛氏守節三十四年 年五十三歲均於

乾隆二十七年請旌

徐晏妻何氏守節三十七年 年五十八歲乾隆二

十七年請旌

韓士璣妻王氏守節三十二年 年五十三歲乾隆

二十七年請旌

以上已旌 節婦十一人

王依妻趙氏幼熟毛詩女訓值滇逆兵變以童婚歸

王氏時依從軍未歸翁患痢而姑病日氏摒擋湯

藥執浣濯之役歷五年不懈翁歿時語依曰汝婦

事吾孝天必與汝以賢子孫及言惠成進士人以

為順德之報

范鍾彥妻黃氏明太史黃燦之女歸范氏執婦道維

謹鍾彥歿遭滇逆之亂卒完節操此位已入祠其

孫生員澡妻王氏進士言惠之姝澡早世撫孤成

名克嗣其徽稱范氏雙節

陳睿妻楊氏年二十七夫歿遭亂守志撫其子大韶宗韶皆力學為諸生

張燦妻杜氏年二十六夫卒遺孤皆幼丁滇逆之亂流離播遷卒以節顯前知州田恩遠題守貞字獎之

羅鴻昌妻張氏年二十五夫歿遺一子邦栢僅三歲撫孤守節邦栢既受室而妖復為立嗣年七十三始卒

程洪遵妻李氏年二十八夫歿守節五十七年年八

十四而卒

監生陳運妻朱氏年二十三痛夫故無子屢絕後夜投縊以救免立夫從子其勝為嗣其勝附於學旋卒復撫二孤成立守節三十三年

向上明妻郭氏二十八歲守節其子國樞繼妖復偕孀媳熊氏撫孤孫元恭元恭歿其孫媳復以節顯子上達官外委總鎮治大雄題一門三節字表其閭且賜以詩有一門冷榻棲霜月之句

外委朱永瓊妻李氏年十七歸永瓊從軍涼州以戰病卒歸葬氏撫二子一女成立守節三十一年

監生賀岐珍妻顧氏夫歿僅遺一女內外無依贅女
婿黃文元於其家時甫七歲教之如子長饑於庠
文元奉之如母云

盧金魁妻趙氏夫歿守節子昌潤既娶舉一子甫七
月而孤復偕其媳曹氏共鞠之守節四十年

向之陸妻楊氏年二十五夫歿守節三十四年
向遜妻鄧氏夫歿無子遜弟超亦墮水死氏與超妻

陳氏並食貧守節力養其姑陳氏之父將強女改
適遂自經死

范知遠妻穆氏年二十五夫歿守節三十三年

孫林妻劉氏翁以服賈溺於蜀夫繼孫氏貧其
姑以孝聞及姑疾終氏亦毀卒

饒文炳妻楊氏年二十三歲夫歿守志子受室繼歿
復撫孤孫年六十九始卒

牟世陞妻何氏年三十四夫歿遺一子甫三歲家徒
壁立以苦節著年六十六歲卒

王懷舜妻張氏生子文焯甫一歲懷舜卒竭力撫之
文焯舉一子而歿復偕媳撫其孫守節四十一年

物英昌聘妻望氏三溪舖瓦窑坪人英昌歿氏年十
八父母將別許字氏聞剪髮自誓以紡織自給終

其身無怨言年七十四而卒

羅梁茂聘妻李氏年十四父許字梁茂既長忽改議
宜都王氏子女微聞其言弗之信也其母以實告
諫不從乘間投江死時年二十五矣知縣王璩
命其父求得其屍以禮葬焉

武舉覃慎妻孟氏夫病癆瘵氏侍奉維謹慎自知不
起疑氏年少相顧徘徊屢出言試之氏截髮矢曰
君勿我疑我知有以自處矣及慎病垂危氏已部
署合殮諸事預製一櫬先期投繯卒慎既絕續懸
忽問氏所在家人具以實對遂含笑而逝

桑鎮中營遊擊陳恩臣桑陵本籍也以征川功加

中營遊擊妻蔡氏武陵功加都督蔡德之女恩
臣卒於官遺三子皆幼節操凜然延時師教其子
有成以子文魁官台拱營參將封奉人季子文連
舉乾隆元年武鄉試

生員魯禮妻羅氏歸禮未踰年夫病篤因割股難藥
以進乃復甦初其姑喻氏舉禮甫七月而孤或風
令別贅因逐之而分其室喻伴許諾密持盤獄以
拒來者僕戊公亦持利刃扞之乃得免卒撫禮成
立羅氏復以孝烈顯之子慶元有學行舉乾隆

午鄉試三世孤露一綫僅存氏鞠育之功居多云
生員劉士爵妻郁氏年二十三夫歿遺子璣甫四歲
隣婦勸令改適氏絕不與見年六十五卒

以上年例已符未請旌已故節婦二十六人孝
婦一人貞女烈女各一人共二十九人

楊國儒妻張氏守節五十五年

宜都營守備張倫妻王氏四川重慶總鎮王度冲之

女本關東人隨父遷夔陵時倫以淮安武舉官宜

都遂聘為室康熙甲申倫以征苗力戰陣亡氏守

節五十九年 年八十一歲以子治任梁山都司

封宜人

按現存節婦例不立傳因王氏本非邑人而其
子今皆隸籍東湖故以從子之例錄之

徐漢才妻余氏常割股愈其姑趙氏病

張霖妻馬氏守節四十一年

江士文妻朱氏守節四十六年

吳燧妻范氏守節四十六年

熊士國妻鄒氏守節四十二年

田國珩妻王氏守節五十二年

羅邦哲妻苗氏守節四十七年 年六十九歲子婦

李氏亦守節三十年 年四十九

向之榮妻周氏守節四十一年 年六十八

石應忠妻丁氏守節三十九年 年六十八

生員蔣遐齡妻張氏守節四十四年 年六十七

雷溥妻黃氏守節四十一年 年六十七

楊曰芃妻王氏守節四十年 年六十四

王應燦妻陳氏守節四十八年 年六十四

黃文連妻雷氏守節四十年 年六十三

雷泌妻黃氏守節三十八年 年六十三

韓忠妻王氏守節三十六年 年六十二

黃袍妻蔣氏守節三十八年 年六十一

楊光瑞妻譚氏守節三十八年 年六十一

陳綱妻劉氏守節三十六年 年六十

監生張維鏞妻王氏州學正王居仁女守節三十八

年五十八

李鵬生妻黃氏守節三十五年 年五十八

汪瓏妻方氏守節三十五年 年五十六

胡振銓妻陳氏守節三十一年 年五十六

劉子重妻余氏守節三十五年 年五十六

謝邦賢妻周氏守節三十二年 年五十六

謝家鑑妻邢氏守節三十八年 年五十六

屈必用妻黃氏守節三十一年 年五十五

王永清妻田氏守節三十二年 年五十五

李綦妻楊氏守節三十二年 年五十五

閻宏燦妻程氏守節三十年 年五十四歲弟洋妻

向氏 守節二十七年

生員朱芾妻何氏守節二十六年 年五十四

生員李必禱妻黃氏守節三十二年 年五十二

生員杜天宿妻趙氏守節三十年 年五十一

王世哲妻文氏守節三十年 年五十一

陳瓚妻譚氏守節三十年 年四十八

以上年例已符未請旌 節婦三十九人孝

婦一人 以上舊志

張俊七歲父亡母唐氏以紡織度日撫俊成立母多疾俊割股和藥進之

王成名字九韶諸生幼失父母兄嫂遇之少恩然成名事之生死均盡禮撫兄二子如已子財產則三分之不

以自封子發部恩貢生 以上見通志

鄒儼字若思操履端方以孝友訓於家家人皆化之

鄉里望廬請質是非經所剖釋悉允眾心康熙四
年州牧鮑孜上其行事請旌得與鄉飲大賓爲閭
里勸

王世玠字玉英候選州同性好義舉雖傾囊無所吝
事關地方不獨出財相佐助恒躬任其勞倚以濟
事邑有修葺

文廟之役與其胞姪永言共捐金數千充營繕由是宮
牆峻整厥功甚偉又本邑暨枝長遠四所屯田本
不承運而他邑補所攀援控許積歲不休世玠獨
慨然走京師訴諸都堂得下湖廣督部定議分

凡枝彙長遠四屬所戶皆免承運歲餘運費亦多
所裁減則世玠之力也子四永恭援軍功例

贈承德郎永培庠生當嘉慶初白蓮教之變慷慨從軍
沒於王事奏得世襲雲騎尉永聰郡增生候補
主事分授戶部浙江司

誥授朝議大夫永燦候選守禦所元孫鴻治咸豐戊午
舉人以知縣銓發廣東世玠之卒年九十有三目
見五世同堂以子永聰貴

誥贈朝議大夫

鄒尚文字開質溺苦於學有孫康高鳳之風甫冠補

第子員食餼乾隆乙酉秋闈兩主司得其卷擊節
其賞擬掄元矣以二場小疵抑置副車其後副考
改官舟過彝陵尚文往謁語及前事猶爲扼腕尚
文竟以抑鬱終

張繼辛字萬舍少英警以屬對驚其長老乾隆庚辰
舉於鄉丙戌大挑一等以知縣銓發湖南權永順
及永順同知補甯鄉調武陵權瀏陽及桂陽州擢
永綏同知遷貴州都勻府知府權貴陽補思南權
糧道遷貴東道母憂歸服闋發往江南以道員補

用

純廟南巡大府被令隨

行在所研訊控按

召見者再侍宴者再

賜物稠疊

天語溫卹甚至已而制府奉

命赴江西查辦奏以繼辛往卽權江西布政使有

旨補授貴州貴西道權按察使及布政使苗夔作轉餉有

勞

賞戴花翎

命加按察使銜授四川按察使仍奏留權黔臬卒於官繼

辛爲政依於惠利而才敏過人大吏交倚之恒令
主讞決平反最多緬甸及苗疆用兵主餽給供張
所在治辦軍興不乏民亦不擾始爲令時政惟尚
寬宰武陵獨用嚴號爲境內無盜邑有虎傷人爲
文禱城隍期三日獲虎閱日獵者以虎獻及移他
邑武陵士民請於大府得再泣其地至今武陵父
老稱好官者猶曰莫如吾張公也

徐經業候選同知僦儻敢任事凡邑中大營繕可以
輔地形振文風者輒身任其勞庀材鳩工終始不
倦如天然塔古樓奎星樓之建修皆其所揆度而

經營者也子汝樑以孝行聞孫維烈維勳皆諸生
經業年九十八乃卒

傅治字暄亭少有異稟長而績學淹貫經史爲文章
深閎雅健奉母極孝敬以事兄友於諸季補博士
弟子聲動膠庠旋食米廩登乾隆己酉科拔貢
朝考後輦下諸名公如吳白華稷堂兩先生皆高其
才重其人延入 盛京學使幕隨輅車佐校閱
親老辭歸授徒於家嘉慶元年白蓮教倡亂發於
邑境方客郡守署卽慷慨出募鄉勇繕治刀矛日
夕訓練視可用則率以乘城守隘總督畢沅聞其

見鴻恩志卷十一
事給予七品銜隨按察使張率壯士屯長陽之黑
灣拒柳坪賊與戰殲其目郭正前等數十人巡撫
惠齡叙其功加六品銜又馳守邑之界嶺赤土壩
紅巖子常陽之雙店子宜都之深冲口復赴歸州
巴東長陽行營助勦戰黃金嶂大捷二年勦黃柏
山竄賊有功賊稍遠乃就直隸州州判職已又隨
按察使殲長陽朱履寨竄逆佐辦巴東軍需三年
隨撫軍搜斬終報寨餘孽略盡是年蜀賊入楚復
隨官軍禦諸邑比霧渡河擊敗之擒其目治以書
生投筆前後出私財募勇士終始三年不言勞勩

縱橫金戈鐵馬中深入敢戰屢立奇功大府三以
其績聞於朝可謂奇傑之士哉然居恒恂恂退
讓初意其忠勇奮發遂能雄烈如此嘗營什一
大饒矣以性豪喜施落其產逋負累數千金服其
義者多持質券返之治同族多以力田聚居村里
罕習誦讀乃招其子弟之秀穎者入城就學延名
師課之修脯饗殮應試之費悉出於治不數年業
皆通彬彬遊覺序若連茹也其食餼列明經以能
文稱者亦相繼不乏皆治所成就云訓子以義方
皆有文行長文煊道光乙酉拔貢內閣中書銜以

教諭待銓次文煜道光癸卯舉人權湖南龍陽知縣次文燿由諸生拔起奏以知府候補孫廷運與文煜同舉於鄉孝友有至性識量凝遠勵學植品人卜爲偉器年甫三十餘大挑以知縣銓發粵東未赴病卒士林惜之

羅世驊字

啟樸退讓有修士之風其教子必勵

之以治經術尙實踐不沾沾馳騁文藻爲長里中謂其過庭之訓足垂矩矱以子有璉官羅田訓導覃恩貤贈修職佐郎

王永言字和聲蘭圃其號也少穎雋文成若湧泉年

已酉拔萃

廷試報罷養素卽園嘉慶元年白蓮

教倡亂廉訪使者知其介節且有才略檄佐治餉精勞勤著聞事平叙功以州同注銓不樂就求降改博士官補宜都教諭啟迪諸生以名節經術爲先與之上下探討貫穿衮衮或爲校正文藝授之矩矱遊其門者蜚英騰茂將及百人喜吟咏客至則尊酒酬和甚樂不以冷官稍形抑塞其高致皆此類治易最深叅合理數自言易簣時日及子婦亡日皆不爽竟卒於官子秉綸目有傳秉組亦世其學孫曰元禧權山西平陽府經歷以上舍應秋

試兩膺房薦不售乃援例就今官云

趙時埏字持衡乾隆己酉武舉以千總用嘉慶元年
白蓮教作亂隸宜昌前營遊擊麾下擊賊長陽勇
冠軍中股中鎗不動大府叙其績以聞奉

旨以守備升用傷稍愈赴山竹坪大營戰益力陣擒賊
日四名皆伏誅傷復發乃回籍養病湖南苗疆變
作調赴鎮筵戰有功補桂陽營守備調古丈坪都
司道光三年遷福建建甯鎮遊擊再遷澧州叅將
服戎三十餘年前後軍中三十餘戰號爲健將道
光十六年卒於任

王德鏗嘉慶初元白蓮教起都邑無賴者多應之所
在戒嚴德鏗以武生傾貲募勇防守邑之北境初
奉廉訪檄率勇隨邑令何擊滅邑屬樹楊坪等賊
隨通守馳赴當陽防遏途擒逆賊三人獲其器械
赴宜都之綿羊腦再戰皆捷以把總用隨赴巴東
防禦是年制府福公始調赴大營戰譚家村得首
虜戰秀峰橋小溪壩皆奪其壘夜冒雪渡河攻破
賊屯奪野人洞賊壘進焚其各屯得首虜刀仗俄
而軍門文公檄赴其營戰黃金嶂爲飛石所傷二
年二月復戰矛傷其面以千總叙用奪四方臺先

見治縣志卷一
登擊賊前鋒敗之手刃賊奪其纛而舞賊大潰遂
搗黃柏山鏖戰數晝夜殲賊不勝計已又隨制府
福公逐賊芭葉山勒大峒口燔賊柵進破吳家坡
剗賊壘獲首虜旗幟攻簡家槽黃家村皆勝六月
賊襲我營力却之追破其石卡木城殺賊多賊竄
白魚寨死拒攻拔之賊竄帽子山仰攻之奪其四
壘連戰直突之賊逸至長灘河半渡谿驟漲官軍
追至威勇侯額公軍門福公下令募善操舟者德
緩與武舉陳永年分選麾下得二十人擊楫而進
官軍畢渡賊遂竄歸州之羊荅嶠追至馬湖營克

其巢賊竄朱里寨急擊殲之朱里寨平殘賊奔竄
報寨三年正月德緩請往夜擊嚴焚其柵生擒逆
首終報寨平凡始終百戰歷戎行者四載焚奪賊
壘者數十斬首及奪器械無算申傷者再搗巢者
四平其寨者二又生縛渠魁先後聞讞優獎金銀
雜物錄功狀請獎且二十餘次矣僅得一千夫長
當時功次階級之嚴如此而德緩裹瘡喋血銳氣
益奪絕口不自伐視世之怯懦不武與以爛羊冒
進者其優劣當何如也五年賊氛漸平德緩歸守
郡城中是歲庚申

恩科武舉至壬戌武會試復登進士云

陳宏鑑字瑩亭某科 恩貢品端學富帖括詩賦尤

屬當行教生徒數十年游泮食氣選拔鄉舉者不

下百人裁成之效未有出其右者試帖選入清華集

羅佳珩字佩先號楚石嘉慶癸酉拔貢中已卯鄉試

第六名道光丙戌挑選天門學博以孝友著聞品

重儒林推一鄉祭酒性好施予朋儕中有貧乏求

稱貸輒稱量應之不責尤邃於學聖史子集

悉所淹通行文有根抵其理內充其光外溢風格

近儲中子嘗主六一書院講席為生徒校藝指授

剖析皆有精義遠近爭趨詣問業遊其門者

書捷南宮蜚聲翰苑有其人矣他如食餽明

士指不勝屈焉後在天門兼彼邑講席士論翕然

稱美梓有藻思堂文稿行世子行楷行周皆以知

縣筮仕楚蜀間行楷任藍山已八載治行尤卓異

擢同知加運同銜尋以五品請封得

贈佳珩為奉直大夫

唐宗烈號承菴貧苦自力於學受知學使初頤園先

生謂其楷法冠羣補博士弟子員後起軍功任廣

東太平司巡檢卒於官

東海縣志卷之十一
吳秉綸字文綬雲谷其自號也少以才藻震場屋年
十七籍諸生食餼登嘉慶辛酉拔萃中丁卯鄉試
第六名五上公車不第大挑分發福建以知縣待
銓巡臺使者奇其才白太府挈之渡臺屢權郡丞
先事秉綸初渡臺曾訪知臺之東有地曰奇來山
深嶺複峻險不得上最爲盜藪及受篆噶瑪蘭海
盜聚黨流劫橫行海上臺曾遣員將稅泛海詣省
遇之舉舟盡爲所戕掠稅金去獨一僕投海中流
至廈門得生具言之巡臺使者檄所在捕緝不能
得秉綸乃親率千人浮海直詣奇來斬木梯巖窮
極幽阻出不意再搗其巢生縛賊渠數人餘黨三
百餘人盡俘以伏法盜自此靖人咸謂此化外地
今乃得見天日秉綸復載穀麥木棉種教之耕織
奇來民遂請附籍於臺比內地大吏聞諸

朝命秉綸入

見荷

獎勞以直隸州知州補用旋乞回籍省親在道丁父憂
服除奉母入閩借補泉州蚶江通判權臺灣南路
理番同知臺民變奉撫軍檄括舟渡軍期以十日
畢濟舟人聞之多散匿秉綸躬乘舸諭以大義示

以重賞皆從命募舟之貲悉出已財不費公家事
卒濟泉州軍門馬公見而奇之邀同渡海月餘賊
平謀畫多出秉綸凱旋叙功以母老告養歸後屢
徵不起惟放意泉石以自娛焉年七十有四卒著
有制藝偶存及仰山書屋詩鈔

顧槐字南林少穎慧長而博習工文詩格亦軒軒霞
舉府試冠軍補博士弟子食餼充道光元年恩貢
性篤於孝友鄉里推其穆行家貧以授徒爲生遊
其門者多發名成業後乃出佐校文字及應羔雁
之聘屢司記室凡江漢荆襄間遊車幾徧所爲牋

牘大府留意文詞者必摘其警語咨賞不置尤工
書自晉唐以來諸書家仿擬而融會之化其蹊徑
胚胎其神理蒼樸豪健魄力沈厚懸腕作小楷及
擘窠盈丈字皆迅疾如飛遠近名勝必乞其書額
數千里求書者戶外屢恒滿樂應之揮灑不倦自
起諸生至貴爲封君絕不以私干有司其峻潔如
此晚構室數楹顏曰息遊又曰醉墨山房蒔花竹
置酒召賓客賦詩爲樂高尚遠致翛然拔出塵壒
之表矣初槐嘗命其子營什一治生邑有貸金數
百久而不償作雉經以抵賴者或勸鳴之官槐亦

不問亦不索逋蓋有隱德云以子嘉衡通籍詞曹
出守南陽

誥封朝議大夫

王景桓增生天性純孝其父德徽廩生七品軍功坐
被誣繫獄景桓椎心自誓謂父冤不雪何以生爲
走京師投匭訟寃得回籍備質中道病故其後定
讞竟獲平反鄉里以是多其孝咸豐十年具報請
旌

孫桐號龍門早工詞藝補弟子員歲科試屢冠其曹
然不得食米廩人謂數奇亦絕不介意其齋中累

山石多奇致修廊曲檻迤邐繁帶乃雜薛花竹扶
疏掩映香紅澹白四時不斷其中鼓琴在天風
海水之音儻然若置身塵表者不知人世間有所
謂坎壈幽憂也第梧亦與同志梧號鳳軒武生然
無劍拔弩張態卽之恂恂儒生也與兄桐比舍而
居日夕跬步不相離無異姜家被也里有角弓翮
反者長老必責之曰盍不效孫家昆仲桐與梧皆
性好賙卹宗黨嫻隣同聲歸其仁道光十四年郡
伯程公仲蘇重修墨池書院桐與梧共捐二千金
助膏火其好義率此類也吉司馬中穎善相宅謂

其宅後建高樓子孫且以科名顯從之於是廣延名宿訓課其中後起者彬彬遂多才矣桐子可欽附貢生可俊官湖南吏目孫德元咸豐己未舉於鄉檢發廣西以知縣待銓餘亦繼遊庠序梧子可政鹽知事可均太學生人謂孫氏之食報者且未艾也

王德授字汝衡號揖青始雋膠庠眾即推其文藻傑出登道光乙酉科拔貢丙戌

朝考以知縣分發福建歷署德化屏南武平等縣所至問疾苦撫字若慈母敏於聽決廉潔自矢吏民皆畏而愛之年四十卒於武平武平搢紳先生率其耆耆醮金立祠并置祀田至今尸祝不絕

陳鴻儒字斗山省齋其號也總角就塾目下數行一過不忘少孤遭川陝之變隨母黎太恭人避亂即能以智自脫十四補弟子員食餼試輒冠曹偶道光癸未明經充貢以訓導注銓既阨鄉薦遂息意進取日陳典籍漁獵其中治古文詞詩歌皆洸洋闕放豪邁不羈旁及歧黃家言及郭氏堊經探躡其奧授徒最有師法往往脫穎名場事母以孝聞友於兩弟推先業與之居恒視繒不介意有羸

則斥其餘爲人平怨爭道路賈客皆爲誦義晚歲
益好施不倦性剛正多就質是非者豐軀偉幹胸
次光明議論剴暢聞者悚聽終以悅服咸豐二年
八月里人傳土寇至矣則皆走鴻儒方患疽迄不
動偵之果妄四年七年郡皆陷從亂者蠡起鴻儒
出佐團防鋤去暴桀撫安柔良遠近以靖當途深
倚之事平方議獎叙笑謝之其高節如此晚歲月
光如炬猶書細字抵掌論事徹晝夜不休卒年七
十有五著有看雲山房詩藁以子以運貴

誌封奉直大夫子八人枝逆道光癸卯舉於鄉丁未考

取覺羅官學教習揀選知縣指指四川加知州銜
補雙流知縣餘皆能以文學世其家

習家柱號石臣郡優廩生贍學工文鄉試屢薦未售
嘉慶初元教匪倡亂家柱捐貲募勇詣制府畢公
營請受軍事檄主蓮坪卡糧臺仍隨官軍攻克當
陽頗有勞績叙功得正六品道光十三年前郡守
程公修墨池書院以營繕委之並勸募捐輸倚以
集事程公書宏修義肆額貽之爲咨部請叙生平
急公上多此類著有彝陵名蹟七絕百首

丁之義望州舖民乾隆乙卯其同里張崇德入白蓮

教黨倡亂於舖屬龍家灣以術誘民之義抗志不從為其所斃

吳天喜河西舖民咸豐七年為賊所俘脇之不從死刃下年始十五

文敏事廩生砥礪學行母病危割股肉濡藥進之母旋愈聞者曰此至孝所感通也

徐鳳孝武生母病篤割股以進母病立愈里黨以孝稱之

張璿乾隆己酉科拔貢分發四川以知縣用前署巫山縣下車日修城垣輯盜賊懲蠹役除陋習籌畫

過勤漸以成疾後調遂甯縣比巫山政務尤繁璿勵精益甚積勞日深遂卒于官

熊朝龍武生事後母友兄弟鄉黨推其孝友以軍功授興山百夫長聞母病日夜馳歸母曰爾歸吾無

恨矣遂瞑後遷陝西撫標守備任滿告歸劉家鳳字鳴高大愚山人之弟登乾隆辛酉拔萃性

剛直嚴毅自持學極深粹未嘗阿世以求達著詩古文詞甚多藁佚不傳年五十九未仕而卒其孫

塏字居安亦以文行世其家舉業而外雜著甚多悉為大水蕩去於書無所不覽惟所著地理揆星

東沽縣志 卷之八
三
訣獨存充道光乙巳 恩貢亦未及仕而卒

王永重字令儀行已依于孝友事伯兄蘭圃學博尤謹率兩弟營計然之策遂以高貲甲一邑然勇於爲義凡率作興事可以昌明教化扶植人文者雖累千金無所吝若建修聖殿增拓墨池書院廊房捐入六一書院膏火資產皆是也至今邑人推好義者嘖嘖稱永重不衰云

王永聰字桐村增貢生援例授戶部浙江司主事邑中向無賓興永聰獨慨然捐河西田地歲租七十石充諸生赴鄉試者資斧以爲之倡嗣是邑人部璘亦捐田歲租二十二石以附益之邑中寒俊

旅費有資咸懷淬礪踏槐應舉數倍於初則永聰義舉之所動也道光時南鄉庠生文定增陳大魁呈請舉昔年所捐廟田撥入賓興已而眾議紛紜屢致翻覆永聰乃與其同志數人出身調停異論始息撥款由此遂定凡往來排解所費二千餘金亦永聰與姪孫輩任之又續捐河街店房一所歲租數十千增入賓興先後所捐款目及詳定出納章程皆勒諸石又郡城考棚東西號舍傾圯永聰兩經捐修費亦在貳千貫以上郡墨池書院頽廢郡伯程公倡捐重修購左右房舍改營齋房七十

二間方經營之始尙無成款永聰先捐數千緡工役乃興蓋好義急公其天性然也他有裨地方慷慨解囊未嘗居後邑人至今稱之嘖嘖不衰

朱紹雲歲貢生孤貧勵學長於訓迪門下士如顧太史嘉蘅王拔萃德授為最著子德恒道光丁酉選拔以知縣用其弟紹邑歲貢生績學植品如其兄以剛正為守令所重凡營繕勸募皆倚之海疆籌餉修治墨池書院增賓興費紹邑獨赴鄉勸捐得銀二萬兩錢九千貫租穀百石有奇其為邑里所信如此議論亢直即勞怨不計也子德性 恩貢

生孫建奎亦食廩餼有聲庠序中

陳運紳號書圃邑 恩貢品學兼優儉樸性成一生課徒未嘗以脩脯豐儉措意凡請業函丈罔不諳諳訓誨以故出其門者不下數十人閭里悉以師範目之試帖選入清華集中

列女

雷鳴惠妻邵氏 汪國清妻徐氏

趙時茂妻王氏 楊應昌聘妻望氏

李谷明妻王氏 羅承蔭妻李氏

王文熾妻覃氏 周名世妻涂氏

東莞縣志卷一七
周延緒妻劉氏

以上節婦九人係自通志採入

羅熊氏

勅贈修職郎大元之妻大元三十而卒氏時年二十有七矢柏舟之志家貧甚然能孝養厥姑訓子皆克自樹立振玉國學生振泰廩貢生選授武昌縣學訓導振秀國學生方振泰官武昌時曾迎養至學舍年餘值道光二十五年

覃恩

勅封太孺人孫成銑成鑑成鍾俱列弟子員曾孫裕庚

廩生德沛庠生振泰後遷棗陽教諭凡有孫十人曾元二十餘人氏年八十一乃卒

黃之桂妻秦氏北鄉霧渡舖人年二十二夫故勤勞家政奉姑教子責任一身苦節四十八載年七十壽終

蕭光耀妻劉氏

烈女王述陵聘妻余氏

生員鄔煒妻楊氏

庠生謝應聯妻余氏

汪國泰妻徐氏

庠生謝邦傑妻江氏

羅慶餘妻向氏

舉人陳躍龍妻余氏

羅含妻陳氏

劉金璧妻趙氏

生員孫珖妻譚氏 江學純妻潘氏

生員王鳳世妻張氏 監生楊德清妻顧氏

孝婦生員楊澤誥妻毛氏 監生熊攀龍妻毛氏

聶大璉妻王氏 監生朱嵩妻杜氏

儒士朱嶽妻王氏 生員孫自謙妻王氏

董制光妻劉氏 閩士相妻牟氏

朱萬春妻唐氏 貞女鄧國桓聘妻李氏

王述清妻劉氏 朱紹泰妻吳氏

牟大文妻覃氏 朱世華妻曹氏

同權世妻楊氏 劉學洋妻江氏

金應學妻胡氏 馬岷妻舒氏

魯嘉鳳妻潘氏 生員李雲霄妻覃氏

生員陳之經妻周氏 生員陳開文妻王氏

余瀆妻周氏 楊文炳妻田氏

楊振師妻汪氏 謝紹甲妻雷氏

楊國治妻羅氏 李培萱妻柳氏

生員袁岐妻唐氏 孝婦生員曹瑜光妻黃氏

監生胡文謨妻汪氏 監生王永鴻妻楊氏

王基祐妻張氏 庠生張文蔚妻蕭氏

毛之泰妻陳氏 李廷楷妻余氏

朱東昂妻趙氏

國學朱昌妻孫氏

譚文進妻朱氏

吳秉權妻唐氏

朱紹靈妻楊氏

牟開祚妻陳氏

文品增妻楊氏

閻登科妻柳氏

譚修妻邵氏

杜天植妻鄒氏

范縑妻王氏

呂必榮妻陳氏

周正綱妻陳氏

張正清妻黃氏

孫維煊妻劉氏

孫維灼妻王氏

呂倅治妻田氏

向鑑妻蔡氏

呂瞳妻楊氏

楊沫妻文氏

戴言讓妻唐氏

李洪禪妻藍氏

紀宗堯妻張氏

庠士朱方南妻鄧氏

庠士王麟定妻徐氏

文學增妻朱氏

張世順妻李氏

監生牟大成妻黃氏

生員楊永升妻王氏

民人劉金閣妻陳氏

庠生閻振翎妻熊氏

承德郎王麟瑞妻楊氏

監生王德操妻屈氏

儒士楊國新妻曹氏

覃永齡妻趙氏

陳永祚妻習氏

劉城妻王氏

陳應清妻劉氏

生員王紹靈妻覃氏

吳世熙妻汪氏

袁德馨妻劉氏

庠士 應甲妻謝氏

張大璠妻韓氏

朱德懋妻萬氏

以上道光朝已請旌節婦九十二人孝婦二人
烈女一人貞女一人共九十六人

廩生羅佳璵妻覃氏姑危疾割股以療疾漸愈為之
慶慰無何夫卒氏哭畢往禮寢門必以衣收淚迨
執姑喪風聞誨髮不違於禮惜已身無出撫妾子
行中克全母道子受室亡撫嗣孫啟炳鞠育尤勤
卒年八十一歲人奉為女中師表

生員雷師禹妻楊氏于歸未久夫卒家貧賴以

氏畢力營葬親戚因其無子親支亦乏人承繼勸
其改適氏啜泣不言毀容以杜其口時氏母亦孀
居往依存活日則紡績夜則縫衽卒能終母之養
及亡族人殯而葬之

增生王景桓妻張氏慟其夫赴京中途病故苑而復
甦者數矣姑諭以大義謂汝夫雖卒汝子少孤全
賴汝扶持教養奈何以一死塞責氏泣謹遵姑教
後見其子宏度克自成立大邑庠生氏年四十四而
卒

鍾徐氏仕貴之妻邑南蹇家舖人于歸七載喪其夫

遺男女名一氏以節自矢翁年八十矣叔又失明
黽勉事衰親與娣姒均操作鞠子女皆成立視姪
如子氏年五十卒凡執節者三十有三年

李德恕妻龍氏二十八歲守節遺孤樹人甫二齡氏
力貧守志日督耕耘夜勤紡織雖艱苦備歷猶以
詩書課子成名卒年五十四歲

武生王德銑妻唐氏有女十四歲未字咸豐四年賊
陷城母女投河全節

邑紳王晉康女係故臬司張繼辛次孫聘妻壻卒女
以貞自守事繼母有孝聲父患頭疽醫藥罔效女

監生陳大敏妻張氏

羅行中妻王氏

鬻士興繼妻汪氏

楊振鸞妻周氏

以上咸豐朝請旌已故節婦四十三人烈女二
人孝女一人共四十六人

吳秉珍妻鄒氏守節五十一年現年七十二歲

湯發孝妻姚氏守節二十五年現年五十一歲

吳義發妻楊氏守節四十一年現年六十一歲

羅文斗妻唐氏守節四十五年現年六十九歲

楊珍妻王氏守節五十六年現年七十八歲

閻大義妻鄒氏守節四十二年現年八十一歲

東湖縣志 卷一 七
楊祖蕙妻秦氏守節五十六年現年八十一歲

王基亮妻趙氏守節二十六年現年五十歲

武生楊佩埕妻譚氏守節三十年現年五十八歲

張揮斜妻李氏守節二十九年現年五十一歲

文童楊榮蒂妻胡氏守節二十七年現年五十三歲

生員楊鎮麟妻吳氏守節三十四年現年六十三歲

毛紱妻崔氏守節三十年現年五十一歲

魏文坤妻望氏守節二十八年現年五十六歲

王啟文妻宋氏守節二十八年現年五十三歲

余文泰妻熊氏守節三十二年現年五十七歲

封股以進父瘡旋愈誓志終身亡年三十六歲

生員陳璽女王紹修聘妻未婚婿卒即斷髮自誓之

死靡他亡年三十四歲

劉啟福妻唐氏 監生王堯瑜妻劉氏

劉大齡妻王氏 鄧儀妻吳氏

宋憲英妻余氏 汪運坤妻劉氏

陳正經妻萬氏 王永智妻劉氏

覃貴德妻羅氏 羅秉經妻楊氏

文童紀大榮妻孫氏 楊澤詩妻鄒氏

鎮標前營陣亡戰兵周志學妻王氏

閻大才妻王氏

金翠瑤妻黃氏

王正乾妻甘氏

王德頤妻張氏

宋九式妻陳氏

秦所宏妻楊氏

楊際清妻何氏

段成訓妻劉氏

秦君祖妻覃氏

庠生雷鳴春妻王氏

庠生雷槐妻周氏

王廣貴妻金氏

文章趙文山妻張氏

生員李炳南妻鄧氏

羅繼祥妻徐氏

文章鍾仕貴妻徐氏

張一國妻吳氏

朱永齡妻張氏

廩生羅佳璵妾楊氏

羅文履妻周氏

過勤漸以成疾後調遂甯縣比巫山政務尤繁瑋

勵精益甚積勞日深遂卒于官補載

熊朝龍武生事後母及兄弟鄉黨推其孝友以軍功

授興山百夫長閏母病日夜馳歸母曰爾歸吾無

恨矣遂瞑後遷陝西撫標守備任滿告歸

列女

雷鳴惠妻郭氏

汪國清妻徐氏

趙時茂妻王氏

楊應昌聘妻望氏

李谷明妻王氏

羅承蔭妻李氏

王文熾妻覃氏

周名世妻涂氏

周延緒妻劉氏

以上節婦九人係自通志採入

羅熊氏

勅贈修職郎大元之妻大元三十而卒氏時年二十有七矢柏舟之志家貧甚然能孝養厥姑訓子皆克白樹立振玉國學生振泰廩貢生選授武昌縣學訓導振秀國學生方振泰官武昌時曾迎養至學舍年餘值道光二十五年

草恩

勅封太孺人孫成銑成鑑成鍾俱列弟子員會孫

徐世武妻羅氏守節二十一年現年五十歲

徐維煜妻黃氏守節三十四年現年五十六歲

生員楊榮椿妻雷氏守節二十八年現年五十四歲

傅長運妻高氏守節三十二年現年五十六歲

夏其泰妻顧氏守節四十六年現年六十五歲

范純一妻李氏守節三十二年現年六十一歲

甘大沛妻劉氏守節三十八年現年六十歲

周美玉妻黃氏守節四十五年現年七十二歲

周之儀妻楊氏守節三十七年現年六十歲

朱東昇妻王氏守節四十一年現年六十一歲

謝作棟妻向氏守節四十八年現年七十二歲

吳應賢妻王氏守節二十五年現年五十二歲

鄧篤朝妻楊氏守節二十四年現年五十二歲

王基科妻李氏守節四十六年現年七十四歲

簡永儀妻王氏守節五十二年現年七十四歲

閻大英妻劉氏守節二十八年現年五十五歲

張文泰妻閻氏守節二十三年現年五十二歲

熊世傑妻王氏守節三十五年現年五十八歲

楊啟灝妻牟氏守節三十二年現年五十一歲

楊永相妻羅氏守節二十二年現年六十一歲

秦天祥妻余氏守節二十六年現年五十一歲

秦世譜妻陳氏守節四十六年現年六十九歲

陳廷瑜妻劉氏守節五十九年現年七十七歲

朱永楷妻陳氏守節二十八年現年五十三歲

張正松妻馬氏守節四十三年現年七十歲

程聲泰妻王氏守節三十四年現年五十三歲

廩生李運南妻劉氏守節二十六年現年五十一歲

張時鼎妻鄧氏守節四十五年現年六十六歲

康文材妻鄧氏守節三十三年現年六十一歲

程自遠妻汪氏守節三十年現年五十五歲

吳家全妻羅氏守節二十七年現年五十歲

康大槐妻鄧氏守節三十三年現年六十歲

成達南妻王氏守節二十八年現年五十一歲

杜瑛妻張氏守節二十二年現年五十歲

監生杜璉妻閻氏守節二十一年現年五十歲

黃正毅妻楊氏守節二十五年現年五十三歲

王大烈妻習氏守節二十三年現年五十一歲

牟秉謙妻覃氏守節三十四年現年六十一歲

牟秉謙妾毛氏守節三十四年現年五十四歲

張上翥妻鄒氏守節二十七年現年五十四歲

朱德耀妻邵氏守節四十二年現年六十歲

劉正科妻朱氏守節二十五年現年五十一歲

黃上純妻陳氏守節三十年現年五十六歲

宋世祥妻楊氏守節二十九年現年五十四歲

葛長貴妻李氏守節二十二年現年五十七歲

王長煦妻黃氏守節四十二年現年六十五歲

羅楚書妻李氏守節二十三年現年五十歲

譚應造妻張氏守節三十三年現年六十二歲

闕運達妻向氏守節三十三年現年五十一歲

監生李翠華妻馬氏守節二十八年現年五十二歲

黃廷明妻杜氏守節二十八年現年五十八歲

董澤誥妻羅氏守節二十三年現年五十二歲

楊忠楷妻鄧氏守節四十六年現年七十四歲

陳永春妻鄧氏守節五十年現年七十五歲

高發元妻段氏守節三十年現年五十六歲

守備張瑚繼妻夏氏守節二十一年現年五十八歲

趙國華妻謝氏守節四十年現年六十六歲

周善慶妻程氏守節二十五年現年五十歲

魏廷瑞妻柳氏守節二十四年現年五十二歲

吳學文妻田氏守節五十年現年六十六歲

杜開達妻陳氏守節二十五年現年五十三歲

楊珍妻王氏守節三十六年現年五十三歲

勾尙賢妻馬氏守節四十四年現年六十七歲

羅文觀妻李氏守節四十九年現年七十六歲

周顯中妻彭氏守節三十四年現年五十九歲

胡文美妻陳氏守節三十三年現年六十歲

艾正憲妻劉氏守節三十四年現年五十七歲

王基春妻鄒氏守節四十七年現年六十九歲

彭章禮妻張氏守節四十年現年六十八歲

張治遠妻馬氏守節四十三年現年六十八歲

望朝碩妻陳氏守節四十三年現年六十五歲

董長榮妻潘氏年二十二歲守節其子婦李氏開松

之妻年二十四歲守節其孫婦周氏宗仁之妻年

二十八守節道光十二年督學使者楊以世節揚

徽額其閭

貞女李秉惠聘妻蔣氏守貞三十二年現年五十二歲

陳發榮妻楊氏守節三十二年現年五十二歲

孝女王基祐女矢志不嫁侍母終身現年五十二歲

以上已請旌現存節婦一百十人貞女一人孝女

一人共一百一十二人

趙開朝之妻鄭氏二十八歲守節撫瞽子永馨子婦

陳氏俱極孝三人相助力田鄭氏卒年六十八歲

王黃氏普溪坪人年十五適王氏未五載夫亡鞠遺

孤子女吮辛茹苦勵志彌堅年六十乃沒凡執節

者四十年

陳氏趙開第之妻開第沒於水氏年二十七撫孤守

節至七十九而卒

陳廷槐妻黃氏小峰舖人嘉慶七年白蓮教入境槐

被害甫二十三歲氏與夫同年舉一子纔十二日

痛夫死欲身殉者數矣遇救而免家無石儲度日維艱卒撫子成立年五十五歲終

閻宏清妻楊氏年二十四歲孀居遺腹生子振燦氏外出猛虎突入傷燦左額而去氏聞哭聲急歸救治始痊燦長成爲娶婦余氏生三子一女幸婦賢孝能博姑歡燦年未四十卒亡何婦亦卒氏茹藥飲水撫三孫成立婚嫁無不周至今生員閻大鏞其五世嫡孫也

貞女廣東知縣彭富柙女四川鹽大使何景湘長子江生聘妻娶期近夫卒女托人婉致夫家願入門守節景湘從其志以素車迎歸同官詩美之潔居五十五年壽七十五歲卒

鄒從龍妻楊氏夫以武解元會試卒於京都遂青年守節撫四歲遺孤經營家政氏敏於籌算門外舊設市廛雖倚司事者而人不敢欺由是家道日隆子孫蕃衍庠序有名戚里欲爲請旌氏謂婦人持節分所應爾不許享年七十餘歲壽終

鄭氏趙永佐之子婦其姑黎晚而日盲事之極孝姑病臥牀六載氏奉湯藥飲食晝夜無間親浣濯廁綸竟忘其穢鄉里稱孝婦者必曰鄭氏云

陳氏監生顧嘉蔚之繼母年二十六夫亡撫嘉蔚勵節甚苦嘉蔚卒又撫其孫世溥世溥又夭氏卒年七十有九守節五十三載子婦劉氏亦以嫠居撫孤孫婦羅氏年二十三復賦柏舟清操克嗣人謂其婦姑三世皆冰蘖爲心者也

王應揚妻胡氏慟姑病危割股和藥而進人無知者及姑病愈遇婦操作若有忍痛之狀姑屢疑之後察見衣袂間血痕乃泣曰兒真孝婦吾何修而得此

生員張正學妻徐氏年二十三歲夫故飲冰茹蘖矢

志靡他卒年五十四歲守節三十一年

羅秉純妻陳氏守節三十四年亡年五十三歲

王良椿妻陳氏夫故無子撫姪積光爲嗣名列武庠守節四十年亡年六十一歲

閻習儒妻胡氏守節四十五年亡年六十九歲

胡鳴春妻趙氏守節四十三年亡年六十八歲

林正純妻胡氏守節四十年亡年六十七歲

文庠羅發蒸妻程氏守節十九年亡年三十九歲

陳錡妻黃氏守節三十七年亡年六十五歲

楊鎮景妻陽氏守節四十年亡年五十九歲

嚴士超妻彭氏守節六十六年亡年九十二歲

傅宗誥妻黃氏守節五十年亡年七十歲

楊蔚春妻李氏守節三十六年亡年六十歲

田家峻妻鄧氏守節五十四年亡年七十一歲

閻習泰妻劉氏守節三十一年亡年五十五歲

王鑾妻徐氏守節四十年亡年六十四歲

王銓妻周氏守節二十年亡年四十六歲

易發釗高祖母黃氏守節七十四年亡年九十八歲

庠生王億春妻李氏守節六十三年亡年九十一歲

何清占妻魏氏守節二十六年亡年五十歲

張鴻斗妻劉氏守節五十九年亡年八十七歲

徐長秀妻伍氏守節二十五年亡年四十八歲

以上年例已符未請旌已故節婦二十九人貞

女一人孝婦一人共三十一人

田子千妻馬氏守節六十年現年八十三歲

向青雲妻譚氏守節五十九年現年八十九歲

羅朝紳妻王氏守節三十五年現年五十六歲

劉必祥妻田氏守節三十八年現年六十二歲

文宏德妻陳氏守節二十七年現年五十五歲

周發魁妻袁氏守節二十四年現年五十一歲

文達增妻陳氏守節四十五年現年六十六歲

鄧永甯妻聶氏守節五十年現年七十三歲

陳啟厚妻陳氏守節二十七年現年五十三歲

朱福心妻王氏守節三十四年現年六十三歲

謝永泰妻閔氏守節三十二年現年六十一歲

徐維煥妻劉氏守節四十三年現年七十一歲

彭文蒸妻胡氏守節三十六年現年六十歲

喻太常妻胡氏守節三十年現年五十三歲

胡鳴謙妻袁氏守節四十一年現年六十歲

周開芝妻胡氏守節三十三年現年六十歲

汪永賻妻胡氏守節三十八年現年六十二歲

胡正梁妻楊氏守節二十二年現年五十歲

趙福山妻杜氏守節二十二年現年四十八歲

楊天識妻胡氏守節四十年現年六十六歲

胡正貴妻李氏守節四十年現年六十三歲

生員覃琪昌妻黎氏守節二十六年現年五十五歲

周世才妻楊氏守節六十年現年八十歲

覃新昌妻杜氏守節六十一年現年八十三歲

汪朝濱妻王氏守節三十一年現年四十九歲

黃上貴妻李氏守節六十六年現年八十八歲

李正濃妻王氏守節四十二年現年六十八歲
李宏睿妻徐氏守節二十七年現年五十一歲
黎長春妻高氏守節四十二年現年六十九歲
黎昌槐妻朱氏守節三十三年現年五十九歲
黎昌柄妻陳氏守節三十六年現年六十二歲
蔡天順妻譚氏守節二十二年現年四十六歲
田開極妻趙氏守節二十七年現年六十二歲
田開霖妻楊氏守節二十八年現年六十一歲
陳文禮妻朱氏守節四十八年現年七十一歲
陳良才妻樊氏守節二十七年現年五十二歲

李德明妻龍氏守節四十年現年六十四歲

張允秀妻王氏守節三十五年現年五十九歲

秦大升妻王氏守節二十四年現年四十七歲

王德授妻陶氏守節三十年現年五十七歲

甘宏治妻陳氏守節三十年現年五十一歲

趙開周妻江氏守節六十三年現年八十五歲

生員李憲周妻趙氏守節三十三年現年六十二歲

張大餘妻劉氏守節三十一年現年六十一歲

黎永慶妻華氏

陳朝萬妻屈氏

覃開昌妻陳氏守節四十一年現年六十一歲

羅王氏守節三十五年現年五十八歲

張朱氏守節二十七年現年六十八歲

張熊氏苦節二十五年現年四十九歲

李宏智妻熊氏守節二十八年現年四十九歲

童生楊長潤妻余氏守節二十九年現年五十二歲

楊長澍妻向氏守節二十九年現年五十歲

監生羅文藻妻王氏守節三十四年現年五十三歲

以上年例已符未請旌現存節婦五十五人

補遺

雷祖山妻曹氏守節四十六年亡年七十四歲

盧祖倫妻王氏守節二十三年亡年四十九歲

胡宜順妻周氏守節三十九年現年五十七歲

張新才妻徐氏守節二十年現年五十歲

生員李青雲妻馬氏守節二十二年現年四十九歲

孫 樞妻汪氏守節二十二年現年五十六歲

周從仁妻何氏守節二十一年現年五十一歲

徐氏葉錫銘妻守節四十六年現年七十三歲

李氏葉錫位妻苦節五十一年現年七十四歲

錢之仁妻周氏守節二十二年現年五十歲

譚開壽妻胡氏守節二十六年現年四十七歲



補遺

閻士興增生其父振翎遠戍山西士興念定省久踈

三赴朔平卒迎父歸與母歡聚皆年踰八旬人稱

其孝咸豐十年具報請旌

王德芬字惟昭號香巖援例得布政司理問始就塾

有年矣其父與叔合貲爲質庫者二父且老叔復

官京師持籌乏人乃輟橫經權子母修業數十年

累貲巨萬則均而析之絕不自私鄉里美其能讓

財事母最孝候顏色探意旨皆曲當親心兩女弟

適程趙者割已田歲租數百石以上分給之冀慰

慈懷也族孤貧無依者輒率親支按月餽錢米有
差本支尙未立宗祠則創建之歲時薦官惟謹年
未四十卽喪偶終身不再娶性勇於赴義邑有修
舉及公上有急往往傾貲立應視之不啻已事郡
中墨池書院久廢太守程公謀修復卽與其叔永
聰姪其槐基華等首捐萬金爲之倡又捐田充入
賓興捐金增修考棚道光時海疆募貲則納金四
千兩咸豐二年楚北軍需募貲復納金七千兩有
奇咸豐四年郡經寇亂民多困苦則厚散緡錢郵
之其餘濟嫻友朋饋之不能計也雖力足以行其

德然不矜名不伐善終身未嘗厭倦所謂賢豪長
者非耶里中皆曰他人於義多出勉強王君於義
不啻饑渴至今稱之不置

例贈奉直大夫晉

贈朝議大夫子二基鑑增貢生議叙教職補黃陂訓導
未赴卒基鏞庠生亦前卒孫宏昌議叙通判今補
海州府通判邦玉候補知府

楊振鷺字雪菴邑貢生端方正直言笑不苟授徒頗
有師範士子多賴其裁成其督修六一書院及墨
池書院屢經勤勞儒林咸推重焉制藝選入賀學

憲試牘

覃長運郡優廩生勤於舉子業學爲邊笥文爲韓潮
有聲庠序間迺苦於數奇屢薦不售廩貢爲斯州
學正非素志也祖若父皆好善邑有善舉靡不爲
之倡長運復創建考棚號舍今雖代修有人諸生
不志自始逢歲科兩試輒相携道之

區不蔽風雨時仁宗以太子監國遣給事中胡廣
致祭其文曰爾以儒紳擢居近侍從予居守屢進
直言恭勤不懈予素嘉之奄茲云歿故遣祭以示
悼惜之意教諭吳宏道跋其末簡云君臣義重應
難寘生死情深自不忘祀鄉賢

王文選字南宮體貌魁梧涉獵經史永樂初以辟舉
任廣東臨高知縣有惠政以子傑貴贈通判傑字
仕英號靜庵由景泰庚午鄉貢官保定通判旋陞
廣州同知廉慎平易民愛之如父母番禺涂璋贊
其學行爲師友所推重以璲貴贈奉政大夫修政

東湖縣志卷十七
庶尹璲字重德號栗齋成化丁酉舉人官中書舍
人德府左長史宏治間制稱其操履敬慎書翰精
專與父傑並祀鄉賢

按王傑係鄉貢舊誤載入恩蔭國學璲名從王
旁舊訛作璲今皆核實改正

陳鎔景泰丙子舉人仕至南康知府性嚴而正以清
節聞於時所至有循聲民懷而吏畏之晚歸林下
遺經課子爲物望所歸

王良佐字明遇號方山宏治乙丑進士官臺諫彈劾
不避權倖正德間值劉瑾盜權良佐典神機等營
乘輿巡幸力諫阻之歲凶陳寬恤四事語犯忌諱
幾危出補陝西四川貴州叅議道皆有聲

向文璽字國信宏治乙丑進士初任戶曹贊軍務有
功擢守廬州府政務修舉持法不阿嘗賑活流移
十餘萬人積儲至十八萬石陞山東運使漕政流
通商民稱便及以養親歸清操益著民歌思之有
來時扁舟此行李去時行李此扁舟之句里居數
年惟日以化導鄉人爲事

按文璽宜都藉而通志及舊荆志皆列入夔陵
州選舉舊州志亦載之而不爲立傳今採宜都

志補入從其朔也

朱志榮正德三年進士官至御史直聲振一時以忤旨坐貶數罹憂危風槩凜然不稍屈

陳鑰字孔貞歲貢生少讀易至益大象反復玩味遂慨然有志於善立功過二格凡書所爲夜必焚香記之性喜交遊屢周人急爲榮藩教授有聲四子五孫多登仕版人以爲陰德之報

鄭元字伯生號嶠谷正德六年進士高才博學常以天下第一人自命爲文卓然名世授主事歷禮部郎視學滇南所識拔多知名士人服其公而畏其

嚴無敢有私謁者祀鄉賢

王良策號柱山少宰篆父也與父璩並以篆貴贈工部左侍郎祀鄉賢良策少事親以孝聞折節讀書遇事篤慎自爲諸生文行益著子弟有過痛繩之使必改乃已與人醇厚隣有侵其宅地者置弗較鄉里服其德量

劉漢字栢菴尚書一儒祖也甫十歲執親喪如成人及長拮据治生斥其羨以周貧者季弟淮以賈蕩其貲留蜀不返漢召還更析產給之姑適冉氏無子迎養於家歿歸其所遺里人有以物質者遺其

東坡先生集卷之十一
五
金家人拾得之以告亟追還其人鄭仁以訟故鬻
子以償官逋漢爲代償使復完聚年八十三以考
終有司爲建坊旌之表曰聖世逸民子大賓字以
敬號碧泉歲貢生不樂仕進子一儒官吏部大賓
杜門謝賓客鄉里有以事質者一言排解是非立
判並以一儒貴贈如其官俱祀鄉賢

陳嘉翰號少藩秉性端直視躬厚重人稱篤行君子
以子邦靖貴贈文林郎州牧蕭景訓作者英六傳
嘉翰與焉

徐應登嘉靖庚子舉人官大僕寺丞撫異母弟應簡
備致友愛後應簡亦舉於鄉知輝縣事一時
覽之目

雷以仁字與吾嘉靖己未進士歷官陝西左右政使
秉正不可以清介著致政歸行李蕭然囊無長物
子五人衣食粗給而已

陶性字養吾孝友端方言論不苟由嘉靖壬子舉人
司李德州旋擢通判考最爲天下第一乞歸杜門
著述有五經纂要大學衍義略等書行世

望廷臣字岷川器姿英偉篤學力行嘉靖壬子與雷
以仁陶性同舉於鄉歷官至耀州牧循績丕著蓋

一闈而得三傑云

王策字紹芳嘉靖乙卯舉人壬戌成進士初知吉水
縣事歷官兩京都御史晉位少宰歿歷中外三十
餘年夙有鐵御史之號張居正柄政日以天下才
推之歿猶薦以自代神宗書其名於御屏居正敗
策亦坐廢然猶拔奇士於單寒準條編以畫一間
居無事惟日以書史自娛一時碑版文章多出其
手

左應麟嘉靖乙卯舉人初生時父執夢黃冠來自帝
所七歲善屬對仕爲鄴都令擢吉安同知遷徽州
知府晚歸樂志林泉課子成名季子相申天啟中
卯舉人任霍邱令土賊亂起與鳳陽知府何燮站
力捍禦城破猶率兵巷戰力屈死之事見明史
王之綱字素張號三楚嘉靖戊午舉人歷官中書舍
人以文章名於世

劉一儒字孟貞一字小魯嘉靖戊午舉人聯捷進士
張居正媼也初任戶曹爲太宰楊溥所知屢官刑
部侍郎居正當國嘗貽書規之居正歿親黨皆坐
斥一儒獨以高潔名尋拜南京工部尙書甫半歲
移疾歸所著有瑞芝堂集初居正女歸一儒子戡

之珠琲統綺盈箱篋一儒率局之別室居正死貲
產盡入官乃發向所織物還之身歷華腆家若寒
素天下仰其高致南京御史李一陽請還一儒於
朝以勵恬退帝可其奏一儒竟不赴召卒於家崇
祀鄉賢天啟中追謚莊介相國申時行表其墓見
藝文

魯崇德號靜齋嘉靖朝貢官教諭同時許承恩亦以
明經官通判及舉人何求並祀鄉賢其事蹟皆無
考崇德七世孫夢元舉乾隆庚午鄉試

周官字建吾隆慶丁卯舉人歷任象山安仁鄞都縣

咸

劉德隆年今九十有四目見五代同堂子永康年亦
七十有三矣曰宏璠者其孫曰開科者其曾孫曰
貽忠者其元孫也

肖守德目見五代同堂

黃之金北鄉社林舖人素以長者稱有二子十孫十
四曾孫三元孫及見五世同堂歿時年八十有四
矣

崔黃氏元龍之妻有子五孫十曾孫二十一元孫五
氏年今八十有七精神猶健齒髮無恙目見五世

同堂身兼福壽為鄰里所交羨

湯胡氏年九十二歲社林舖湯正明之原配子四孫
十曾孫十二元孫二及見五世同堂

補遺

望朝殿紙坊舖人品端行正足為鄉里儀型卒年
十四歲後嗣甚繁能以謹厚世其家



